

# Wie der Türckisch

II n  
6117

Tyrann Solyman / der ist und regiert / seinen el-  
testen Son Mustapha / der ein freidiger Kriegsman  
gewesen ist / mit einem schmehehlichem Tode hat lassen  
vmbbringen / der felschlich verklagt ist / durch ein vn-  
ehrlich Weib / vnd durch den Wascha Rustan.



UNIVERSITÄTS-BIBLIOTHEK  
HALLE  
(SAALE)

Wahrhafftiger bericht / durch ei-  
nen gefangenen Burgunder Nicolaum von  
Moffan im gefengnis gestellet / dem Christi-  
chen leser / zu gut verdeudschet

Wittenberg.

Anno 1556.

BIBLIOTHECA  
PONICKAVIANA



Faint, illegible text at the top of the page, possibly bleed-through from the reverse side.

Second line of faint, illegible text.



Third line of faint, illegible text.

Fourth line of faint, illegible text.

Fifth line of faint, illegible text.



Faint text at the bottom right, possibly a date or reference number.



# An den Leser.



**H**ie hastu (günstiger Leser) des  
Gottlosen Solymanni schendlis  
che that / die er an seinem erstge  
bornen Son begangen hat / welches  
ich zwar nicht derhalben geschrie  
ben hab / das es ans liecht solte komen / Hette es  
auch nicht wöllen lasen in druck ausgehen / wo  
ich nicht durch hoher Leute bitte / dazu bewegt  
were worden. Aber die weil ich des verstandes  
nicht bin / das ich dieselbe gewolliche that genug  
sam beschreiben köndte / So trage ich doch die  
hoffnung zu allen fromen / das ich leichtlich  
könnne entschuldiget werden / die weil es eine sol  
che gestalt hat / mit meinem gefengnis bey bö  
sen Leuten / da auch des Ciceronis beretsam  
keit mat vnd krafftlos wurde.

Vnd die weil sehr viel wörter / mit welchen  
etliche Digniteten vnd Empter sein angezeigt /  
die auch niemand kan verstehen / wo er der Tür  
ckischen sprach nicht leufftig ist / hierin vermel  
det werden / habe ichs vor gut angesehen / diesel  
ben / dem Leser zu gut erstlich zu erkleren.

Vnd anfenglich zwar hastu hierinnen etli

A ij che

che nomina propria / Taufnamen / als M V,  
STAPHA, MACOMETH, BAIA-  
SIH, SELIM, IANGGIR, CHR V,  
STAM, vnd HIBRAIM, Von diesem Hi-  
brahimo / weil ich gelegenheit ist dazu habe/  
müssen wir zuvor etwas sagen / damit die hi-  
storia deste bas hernacher verstanden werde.

Es ist gewis das dieser Hibrachimus dem  
Türkischen Keiser so angenehm sey gewesen / das  
er auch die dignitet VESIRI (welchs der höchste  
ste grad vnter allen digniteten / nach dem Keis-  
ser ist) vberkommen hab. Aber nach dem er eine  
zeitlang solche dignitet gehabt / vnd sich hat  
deuchten lassen / das er / was die güter angehet /  
mechtiger were denn der Solimanus / hat in  
der Keiser one ansehen seines ampts vnd seiner  
dignitet (wie sie denn durch iren angeborenen  
geiz / grosse güter pflegen aller Religion / Ehre /  
Eltern / Vaterlande / Freunden / vnd allen ver-  
bündnissen vorzuzihen) in seiner gegenwertig-  
keit heissen den kopff abschlagen / hat alle sei-  
ne sache in zugeschrieben / vnd letztlich an des  
stat / den Rustanum / welchs wir hernach ge-  
dencken wollen / gesetzt. M V C H T Y hat bey  
inē schier die dignitet / welche bey vns der Papst  
hat / vnd sein ansehen gilt bey dem Keiser so viel /

DAS

Das er wider in friedes noch in krieges zeit / et-  
was gedechte vorzunehmen / wo der Muehty  
nicht zuvor sein gutdüncken angezeigt hette.

PASCHA (welchen wir wascham / et-  
was geendert / nennen) hat bey men eines ver-  
wesers dignitet der einer Landschafft vorstehet.  
Nach dem aber alle digniteten allein bey dem  
Keiser stehen / vnd von im ausgeteilet werden /  
auch niemand vnter men etwas eigens hat /  
komet daher / das die Pasche / durch alle Land-  
schafften / allezeit in drey jaren / nach jres Kei-  
sers wolgefallen / verendert werden / vnd einer  
nicht lenger / denn drey jar / der Landschafft (wo  
nicht vom Keiser das widerspiel / aus gnaden /  
entschlossen wird) sie zu regieren wird vorge-  
setzt.

Vnd ich habe verstanden das diese verena-  
derung vnter den Paschis vmb zweier vrsachen  
willen geschehe. Erstlich / damit (dieweil die  
digniteten einzelen nach einander ausgeteilet  
werden) die jenigen / so durch manliche thaten  
im Kriege / dem Keiser angenemer sein worden  
denn andere / Feistern vnd reichern Landschafft-  
ten allezeit vorgesezt werden. Aber es wird /  
wie ich sehr oft gesehen hab / dieselbe weise / an-  
dere durch Kriegserfarung zu promouiren / ist

A. iij.

zu

zu vnser zeit / durch geld vnd gunst gar verders  
bet / das auch schier alles bey inen (wie wol es  
entweder one vorwissen / oder auch one des Keis  
fers willen geschiet) vmb gelt feil ist.

Zum andern / habe ich verstanden / das dis  
die ander vrsach der vntwechselung / vnter den  
Paschis / vnd sendung / von einer Landschaft in  
die ander sey / vnd zwar darumb geschehe / auff  
das nicht die Pasche / wo sie lenger in den Land  
schafften / darin sie gesetzet sein / verharreten / vnd  
irgent eine gelegenheit inen vorfiele / mit den vn  
sern freundschaft machten / vnd also all melich  
mit der zeit / sich zu vnserm teil wendeten.

Es haben auch die Türcken bey inen / Edel  
leute / die sie auff ire sprach SPAHY nennen /  
vnd ist bey den Türcken der erste grad vnter den  
digniteten. Aber solcher Adel komet nicht von  
den vorseh / auff ire nachkomling / sondern die /  
so sich manbar im kriege erzeigt haben / werden  
allein Edelleutte genennet. Als denn komen sie  
erstlich zu höhern chren / vnd werden SVBA  
SCHE genennet / welchs wort / so viel mir  
bewust ist / kan mit der dignitet eines Frei  
herrn vergleicht werden.

Die vornemeste dignitet / nach dieser / wird  
BEGG genennet. Man sol aber wissen / das  
dis

dis wort auff zweierley weise bey inen verstan-  
den werde. Denn es ist gewis / das sie alle die /  
so irgent andere mit einer dignitet vbertreffen  
BEGGOS, das ist / Herrn nennen. Aber  
BEGG / in sonderheit / heisst nicht allein einen  
Oberhauptman (denn sie einen Oberhaupt-  
man Saga nennen) sondern heisst einen Graf-  
fen. So er aber von seinem Keiser zum Ritter  
geschlagen ist / wird er SANGGARBECC  
genennet / Vnd diese werden iner von einer  
Graffschafft in die ander geschickt / gleich wie  
die Pasche / vnd ire Graffschafft komet auch  
nicht auff ire Erben / sondern wenn derselbe  
Graff stirbet / so wird beides die dignitet vnd  
Graffschafft / einem andern vom Keiser gege-  
ben. Hieraus kan man nu sehen / das niemand  
von inen etwas eigens habe oder besitze / daher  
sie sich alle mit einander PADISCAHVMA  
CVLLARI, das ist / des Keisers leibeigene leu-  
te nennen.

Hie solte ich nu von der Tůrcken gewon-  
heit / so sie im Kriege haben / vnd von iren Emp-  
tern / als nemlich / wie sie ire Kriegsknechte an-  
men / vnd nach einander gehen / Item wie sie ire  
schlachtordnung machen / wie sie mit so grossem  
vleis wach halten / Item mit was rasen / wüten  
vnd

vnd vngestümkeit sie den Feind angreifen etc.  
etwas sagen/wo ich nicht albereit im schreiben  
etwas weitläufftiger/ denn ich mir vorgenommen  
hatte/ gewesen wer/ Das aber mus ich allein  
noch von den Janischaris hie am ende sagen/  
das sie des ganzen Türckischen Kriegs / krafft  
vnd stercke sein / vnd das die Türcken niemals  
gesieget haben / welchs nicht irer manligkeit  
vnd tugent im Kriege were zugeschrieben / vnd  
zugeeignet worden.

Denn sie trefflich wol mit Büchsen schies-  
sen vnd vmbgehen können / vnd vornemlich in  
denselbē waffen von jugent auff sich rüsten vnd  
oben / derer der Türck allezeit dreissig tausent  
pfllegt zu besolden / wie mir ist angezeigt wor-  
den. Diese haben vor andern Landsknechten  
sonderliche freihaiten / das auch alle die so des  
namens sein / bey allen also geehret werden/  
das / ob sie gleich einer vbelthat halben den hals  
verwircket haben / doch kein mal gestrafft wer-  
den / wo men ire Heubtleute zuuor solche dig-  
nitet nicht nemen.

Diese freihait haben sie auch vor allen an-  
dern / das sie nimmer nicht / denn im lager (wo  
es nicht die grosse not erfordert) gezwungen  
werden / zu wachen / aus der vrsachen / hassen  
vnd

vnd werden sie die andern Kriegsknecht. Vnd  
es ist gewis / das die Janischari alle mit einan-  
der / von veteren so Christen sein gewesen / herko-  
men vnd geboren werden. Denn aus allen  
Landschafften / die der Türck vberwindet / füret  
er etliche auserlesene Knaben mit sich / die er von  
jugent auff / zu seinen sitten / Gesezen vnd  
Waffen / helt vnd auferzeuget / welche  
Knaben / wenn sie elter vnd manli-  
cher sein worden / vnter der  
Janischer zal gerechnet  
werden.



**V**on

Von der Erschrecklichen vnd  
grewlichen that / Soltani Solymanni / des  
Türkischen Keisers / der seinen eigenen El-  
testen Son / Soltanum Mustapham /  
schendlich vmb's leben gebracht hat /  
Anno 1553. nach Christi vnsers  
lieben J<sup>H</sup>R<sup>R</sup>V<sup>V</sup> geburt.

Durch Nicolaum von Moffan aus Burgundia  
zusamen gezogen.



Ich hab es vor gut vnd nützlich  
angesehen / ehe ich so eine schendli-  
che that beschreibe / das ich ein wes-  
nig / zu einer volligen anzeigung / so  
eines Gottlosen vnd schendlichen  
verbündnis vors erste die vrsach vnd  
andere anzeigung mehr / der vnmenschlichen that /  
mit wenig worten / kützlich vermelde.

Derhalben man wissen sol / das der Soliman  
aus diesen Mustapham / mit einer Leibeigenen ge-  
zeuget habe / dem er von jugent auff / Amasiam eine  
Landschafft / zu regieren / gegeben hat. Letzlich ist  
der Mustapha mit seiner Mutter in dieselbe Land-  
schafft gezogen / Vñ als er von jugent auff in tugent  
zunam vnd auffwuchs / hat er dis zeugnis vor allen  
andern gehabt / das er durch Gottes vorsehung sei-  
nem volcke gegeben sey worden / Als er mit seiner  
Mutter / die sehr jung war / weg war gezogen / hat  
der König zu seinem andern Keksweibe / welche  
Kosa hies vnd sehr schön war / eine solche brunst ge-  
tragen / das mans mit worten nicht kan genugsam  
anzeigen /

anzeigen / mit welcher er vier Söhne vnd eine Tochter gezeuget hat. Des ersten name ist gewesen Mahomet / dem er die Landschaft Caramaniam hat eingegeben. Des andern name ist gewesen Baiasith / vnd dieser hat die Landschaft Magnesium inne gehabt. Der dritte hat geheissen Selimus / dem er Caramaniam hat eingereumet / nach dem der Mahomet gestorben war. Der vierde hat geheissen Jansgir / der den zunamen gehabt hat von den hökern / die im hinten vnd vorne gar verstellten / Dieser ist ein weiser vnd scharffsinniger Mensch gewesen. Seine tochter aber hat Rustanus Pascha gefreihet. Dieser hat / nach dem Hybrahimus umbgebracht war / des Vesiri dignitet (den wir auff vnser sprach einen Rat nennen können) vberkommen. Als er aber dasselbige ampt des geizes halben / so im war angeborn / misbrauchte / vernewerte er entweder alle ding oder verenderts ganz vnd gar. Den Kriegsknechten die sie Janischaros nennen / geringerte er iren solt / Der Hauptleute / die sie in irer sprach Saniachos nennen / einkomen / schwachte er / Den zol vnd Schos steigerte er in den Landschaften hin vnd wider / hielt auch gar keine mas in den vnkosten so in dem Keiserlichem Hofe geschahen / Sein gemüte stund auch sonst nirgents noch mehr / denn das er im vnmassige grosse schezze / durch seine betriegliche vnd ertichte Reuberey / heuffte vnd samlete / vnd ist also vor einem getrewen vnd vleissigen diener gehalten worden / hat den König ganz vnd gar eingenomen / vnd wenig darneben geachtet / das er von allen andern verhaft würde.

Vnter des ist das Weib die Rosa / der wir newlich gedacht haben / dieweil sie sahe / das der König / sie vor andern Weibern lieb hatte / vnterm schein

B ij

der

der Religion / bewegt worden / dem Mochti anzuzeigen / das sie durch ein andechtig vnd Gottfürchtigs verlangen bewegt sey worden / dem höchsten Gott / vnd dem Mahomet zu ehren / eine Kirche vnd Hospital / darin die frembden beherbergt worden / zu erbawen / Aber sie hette bey sich gentslich beschloffen / solchs one sein vorwissen / nicht vorzunehmen. Darumb fragte sie / ob auch solch werck Gott angem sein / vnd zu irer seelen heil vnd seligkeit gereichen würde. Hierauff hat der Mochty zur antwort geben / das solch werck Gott in sonderheit angem vnd gefellig sein würde. Vnd ob gleich solchs irer seelen heil vnd seligkeit nicht nütz were / so würde es doch zu des Türckischen Keisers Seelen seligkeit gereichen / vnter welches Herrschafft / ire güter vnd ir leben (denn sie war Leibeigen) were.

Über dieser antwort ward das Weib von tage zu tage trauriger vnd betrübter / das sie in etlich viel tagen nicht hat können getrost werden. Da dem Könige solch des Weibs Betrübnis ward angezeigt / hat er sie auffo freundlichste angefangen zu trösten / vnd gesagt / das er in kurzer zeit einen weck erfinden wolte / das es mit irem wünschen vnd begerē ein solch ende gewönne / wie sie begeret hette. Hat sie derhalben also bald frey / los vnd ledig gelassen / vnd ir / ein gemacht zeichen auffgesetzt (wie bey jnen im brauch ist) das sie hinfürder nicht mehr vnter seiner Dienstbarkeit were. Darumb als das Weib Rosa / so grosse vnd wunderliche gunst erhalten hatte / ist sie mit einer grossen summ geldes / zu dem vorgenommen werck / dasselbe zu bawen komen. Vnter des ist der König mit liebe zu dem Weibe ganz vnd gar (wie zuvor gesagt ist worden) entbrant vnd hat sie durch einen Unterboten zu sich gefordert.  
Aber.

Aber das listige vnd gescheide Weib/die allen  
Betrug vnd hinderlist merckte/befahl dem Botē das  
er seinen Herrn der Erbarkeit vnd Gesetze erinnerte.  
Denn sie wüßte das sie nicht mehr leibeigen/ sondern  
frey gegeben were. Aber gleichwol were sie in keinem  
widerreden/das jr leben vnd jr todt in seiner Keiser-  
lichen Maiestat henden noch stehe. Was aber die  
fleischliche vermischung angienß/köndte solchs mit  
nichten nicht / one verwickung einer grossen vnd  
schweren sünde eingegangen werden. Vnd damit er  
nicht dencken möchte/das solchs von jr erdacht vnd  
erfunden were / wolte sie in allem / dem Könige  
folgen/vnd zu friedē sein/ was der Muehty vor gut/  
in dieser sachen würde ansehen/ Solche wegerung  
hat des Keisers hertz/ welchs gar vor liebe entbrant  
war / also beweget / das er one allen verzug/ den  
Muehty zu sich hat fordern lassen/ vñ als er jm frey  
gegeben hatte/auff seine frage zu antworten/fraget  
er/ Ob jme one verletzung der Gesetz / vergont were/  
das er sich mit einem leibeignem Weibe/die er frey  
gelassen hette / vermischen dürffte. Darauff der  
Muehty zur antwort hat geben / das jm solchs auff  
keinem wege vergont köndte werden/wo er sie nicht  
zuuor zur ehe neme. Aber diese beschwernis hat des  
Keisers böse lust also gemehret / das er durch solche  
brunst leglich verwilliget hat / dis frey gelassene  
Weib zu eheligen.

Derhalben als er nach jrer gewonheit zur Hoch-  
zeit hatte zugerüßet / hat er jr fünfftausent Solta-  
nische ducaten zur Mitgabe gebē/darüber sich jr viel  
verwundert haben / vornemlich dieweil solchs wi-  
der des Ottomanischē Stams gewonheit geschah.  
Denn damit sie alle geselschaft im Reich vermeis-  
den/nemen sie keine freigelassene vnd rechtgeborne

zu weibern / Sondern haben an derselben stet / ire  
wollust vnd geilheit damit zu büßen (denen sie vor  
allen völcern auffs schendlichste vnd vnflätigste  
vnterworffen sein) aus mancherley Lendern auff er-  
den / die schönsten vnd feinsten Weiber / die sie ge-  
raubt haben / vnd im Lande (welchs sie Sarai nen-  
nen) gar herrlich vnd prechtig ernehren / sie zu all  
irem nutz vnd fromen / Item zu erbarlichen vnd gut-  
ten sitten auffzihen / Mit welchen sie nach ires  
herzen beger / ire wollust treiben. Vnd so irgent eine  
vnter jnen schwanger ist worden vom Türckischen  
Keyser / vnd das Kind zur Welt geboren hat / so ge-  
het als denn dasselbige Weib prechtiger her / vnd  
wird in größern ehren gehalten denn der andern  
Weiber eine / vnd wird von wegen derselben digni-  
tet Soltana genennet / vnd solche Weiber werden  
nach der geburt grossen Herrn / die sie Paschos vnd  
Saggachos nennen / verheirat.

Damit ich aber auff vnser vorgenomene sach  
widerkome / Das leibeigene Weib / die nu frey gelas-  
sen vnd durchs glück so hoch empor gehalten war /  
das sie leichtlich vor die vornemeste frau / vnter als  
len Weibern in ganz Asia gehalten wurde / vnd auff  
das sie durch solchen glücklichen fortgang / ire lust  
vnd willen / der voller ehrgeizigkeit stackte / büste  
etc. hatte dis allein in irem sin noch vbrig / damit sie  
irgent einen weg vnd gelegenheit erfünde / das nach  
absterben des Solimanni / das Reich auff jemand  
von den iren keme. Welchem vornemen nichts mehr  
zu widder war / denn die Adelige tugent des mutigē  
vnd verstendigen Jünglings des Mustaphe / wel-  
cher nicht allein mutig vnd beherzt / sondern auch  
starck an kressen des leibes war / den die Kriegs-  
Knechte

Knechte dārumb so werd vnd lieb hatten / das er so  
mutig / behertzt / vnd vnuerzagt war / Aber vmb sei-  
ner weisheit vnd gerechtigkeit willen / ward er bey  
allem volcke angemen / vor lieb vnd werd gehalten.  
Welchs zwar das listige Weib an jm spūrete vnd  
marckte / vnd derhalben heimliche practiken mit  
dem Rustan machte. Denn sie wuste wol (wie die  
vernunft zeigen kan) das Rustanus jr schwager /  
vnd desselben Weibes bruder / mehr begerten / zum  
Reich einen zutrit zu haben / denn Mustapha / der  
sie / wie jr bewust war / auff's aller eusserste / auch vmb  
der vrsachen willen am meisten / verhasste / das sie bey  
jm sehr mit worten geschmehet war worden.

Denn balt im anfang / da Rustanus allen (wie  
wir zu vor ein wenig dauon gesagt haben) jr einko-  
men geringerte / vnter stund er sich auch / Aber vera-  
gebens / et was von des Mustapha einkomen abzuzi-  
hen / daher er leichtlich abnehmen konte / das ein solch  
dapffer manlich gemūt / so es einest zum regiment  
keme / solche schmach vnd vngerechtigkeit kaum ver-  
gessen würde / das er letztlich / wenn der Mustapha  
regiren würde / nicht allein in gefahr seines ampts  
vnd seiner dignitet / sondern auch seines lebens ko-  
men würde / dieweil er ein solch leben zu vor gefūret  
hatte.

Derhalben das böse weib / welche dis alles in  
irem sinne betrachtete / sich vnterstanden hat / den  
Mustapham bey dem Könige anzugeben / vnd in in  
einen argwan beim Könige zu bringen / als nemlich  
das er ganz vnd gar / begerete zu regiren / vnd sich  
auff aller der seinen gunst vnd geneigten willen / den  
sie zu jm trügen / Item auff seine hauffen Kriegs-  
Knechte (der er viel hette) verliesse / das man also  
sich nichts anders zu jm versehen dürffte / denn das  
er ein

er ein mal nach dem Reich trachten / vnd in den Va-  
ter / tödten würde. Vnd damit sie diese ire sach deste  
besser schmückten / hat sie alles durch den Rustanum  
(der allezeit grosse sachen ausrichte) zu gelegner zeit  
lassen bestellen vnd versorgen. Der es denn nirgents  
an hat lassen mangeln / damit er alles zu des jungen  
Gesellē verterben / tode / vnd straffung seines lebens  
anrichte vnd vorneme. Denn allen denen / so zur re-  
gierung der Landschafft Syrie gesand worden / hat  
er angezeigt / das Mustapha bey seinem Vater ver-  
dechtig gehalten wurde. Bunde inen auch darneben  
ein / das sie alles vorhaben vnd vornemen des Mus-  
staphe vleissig in acht hetten / vnd ime alles auff's  
vleissigste zuschrieben / was sie an im sehen / vermer-  
cken oder verstehen würden / vnd sagete mit listigen  
worten / jo heffiger vnd feindseliger sachen sie wür-  
den von im schreiben / jo angeneimer sie sein / vnd dem  
Keiser zu hofe komen würden. Derhalben als der  
Rustanus durch diese Verwalter / offtmals von der  
Keiserlichen vortrefflichkeit / mütigkeit / weisheit /  
manligkeit / vnd auch von dem mildem vnd sanfftem  
gemüte des Mustaphe / das er zu allen trug / dadurch  
er ime gunst bey allem Volck zuwegen brachte / vnd  
darnach von dem brunstigen verlangen / dauon  
schier ein jederman entbrand war / das er doch gewes-  
let würde etc. verstendiget war worden / hat er sich  
doch gleichwol nicht dürffen vnterstehen / den an-  
fang eines solchen schendlichen verbündnis auszu-  
breitten. Aber wenn er die brieffe dem verzweimelten  
bösem Weibe hatte zugeschickt / hat er sie lassen das  
ander alles mit einander nach irem bösem willen  
ausrichten. Aber Rosa das Weib / als es jr / nach  
irem Gottlosen wunsch ergieng / hat sie nach geles-  
genheit der zeit / mit weibischen schmeichelworten  
vnd

vnd fuchschwenzgen (das sie meisterlich kōndte)  
des Keisers hertz / nicht auffgehōret zu bewegen /  
auff das / wenn des Mustaphe gedacht wūrde / sie  
deste besser vrsach hette / die brieffe bald zu öffnen.  
Vnd hat sie solche hoffnung nicht betrogen / Da sie  
nu jr gelegenheit ersehen hatte / fieng sie an mit bit-  
tern weinen (das den Weibern in sachen / da auch  
kein ernst verhanden ist / nicht feilet) den Keiser von  
der g. fahr darinnen er steckte / zuermanen / vnd sage-  
te vnter andern diese wort / wie Selimus jr Vater /  
seinem eignen Vater eben auff solche wege vnd mit-  
tel / aus dem Regiment gestossen / vnd getōdtet  
hette. Derhalben / bat sie emsiglich / das er sich vor  
dergleichen Exempel auffss beste vorsehe vnd be-  
hütte.

Aber dieses alles / damit sie den Mustaphan  
beim Vater verdecktig zu machen vornam / hat ersta-  
lich nichts sonderlichs bey dem Keiser geschafft /  
noch im gleublich sein kōnnen / daraus denn dis ge-  
folget ist / das das trewlose vnd meineidige Weib  
wenig ausgericht hat. Da sie solchs durch den neid  
so jr angeborn war / vermerckte / wante sie von stund  
an iren bösen sinn auff andere list / suchte vnd trachte  
auff allerley rencke / wie sie den jungen Gesellen mit  
giffte tōdten möchte. Vnd es hette jr an bösen Leut-  
ten nicht gemangelt / die alle böse stück zuerbrin-  
gen / bereit vnd willig weren gewesen / wo Er nicht  
durch Gottes vorsehung / solchem vnerhörtem vnd  
bösem vornemen widerstrebt hette. Denn er die ver-  
giffte Kleider / so im ins vaters namen von dem Weis-  
be waren zugeschickt / nicht ehr hat angerürt / bis  
das ein ander dieselben zuvor hatte angezogen /  
durch welche vleissige vorsichtigkeit / er seiner Stiff-  
mutter vnsegliche hinderlist inne ward / hat jeders  
C man

man von denen so umb in waren die giffte öffentlich  
geweiset. Voch hat gleichwol der böse Balck nicht  
auffgehört / auff newe hinderlist zu dencken / mit  
welchen sie im nachstellte. Denn nach dem sie sich  
vnterstunde / jr solche gunst vnd freundschaft zu  
machen / als kein Mensch in dem Keiserlichem Ot-  
tomanischem hause jemals gehabt hatte (den sie mit  
buler giffte vmbgieng / mit welcher sie durch hülff  
vñ beistand eines Jüdischen Weibes / die ein beschrie-  
gene zeuberin war / des Königes hertz / mit vnd sinn  
gar eingenomen hat / vnd von tage zu tage / grö-  
ßere sachen vom Könige zu erlangen sich vnterstun-  
de) hat sie so mancherley practicken versucht / bis  
das sie entlich erlanget hat / das ire Kinder einer vmb  
den andern / im Keiserlichem Schlos ires Vaters  
jmerdar vmbgiengen / auff das sie durch ire stetige  
gegenwertigkeit vnd fuchsichwenge / des Vaters  
gemüt je mehr vnd mehr an sich brechten. Vnd / so  
der Mustapha one alles gefahr auch komen würde /  
das sie deste besser vrsach hette in vnterzudrücken  
vnd zudempffen / Wo aber das nicht sein vortgang  
hette / eine ander zeit erwarte / bis das sie in durch  
andere Personen vmbbrechte Aber als der Musta-  
pha nicht kam (Denn des Türckischen Keisers Kin-  
der pflegen nicht one vorwissen irer Eltern aus den  
vbergebenen Landschafften zu reisen / vnd gen Con-  
stantinopel zu zihen / es sey denn sach / das der Vater  
gestorben ist / als denn komen sie mit etlichen hauf-  
fen Landknechten gen Constantinopel das Regi-  
ment anzunemen) hat sie eine andere büberey er-  
dacht. Denn als sie das / so sie begerete / erhielt / hat  
sie erlanget / das nicht allein in der Stad / sondern  
auch in den Landschafften ire Kinder / dem Könige  
frem Vater / nachfolgeten. Aber im Lager gieng  
Giangir

Giangir der höckrichte/ allezeit hinder seinem Väter.

Als aber die Stieffmutter mit iren finangen vnd practiken etlich jar nach einander/ nichts sonderlichs kondte ausrichten / vnd lezlich das glück anfieng/ sich wol anzulassen auff irer seiten/ vnd endlich dem Gottlosen vornemen des Weibs wolte beilegen / hat sie bey dem Pascha / der des Mustaphe Regiment vnd Verwaltung der Landschafft Amassie (den ein jeder vnter des Keisers Kindern / hat bey sich einen Pascham/ das ist einen Leuttenampt/ der dem volck anzeigt was das Recht lere / vnd seinen rat zum Kriege gibt. Darnach hat er auch bey sich einen Doctorem/ der im gute zucht vnd Keiserliche sitten leret) vorgesezt war/ verdecktliche brieffe ausgebracht/ darinnen vermeldet wurde / das zwischen dem Mustapha vnd des Königes aus Persia Tochter eine Ehe vermercket würde/ welchen handel er darumb ad sacram portam gen Hoff lies gelangen/ damit/ so sich etwas böses zutragen würde/ Er nachmals auffer aller verdacht were.

Derhalben als dem Rustan dieselbe brieffe waren zu komen/ hat er gemeinet/ er het nu das versterben vnd vntergehen des Mustaphe / darnach er sich so lang gesehet hatte / zum guttem ende gebracht. Hat weiter nicht geseumet/ sonder alles Rosse dem Weibe plötzlich selbs angezeigt / sind also balde mit einander auff den Keiserlichen Siz gegangen / vnd haben alles dem Keiser vermeldet/ vnd auff das sie des Keisers gemüt welchs gleichwol allwege im zweuel stunde / mit sorgfeltigem argwan erbaweten/ haben sie keinen vleys gesparet/ vnd gesagt / wie das der Mustapha / als ein Ehrgeiziger Mensch/ vnd der durch vnfinnigkeit seines

gemüts / zur Herrschafft eines so grossen Regiments  
wider Göttliche vnd Menschliche rechte / gar ent  
brant wer / auch sich verbünde wider des Vatern le  
ben etwas vorzunehmen / vnd damit der König irer  
betriegerey deste mehr gleubete / sagten sie dem Kö  
nige von der Schwegerschafft / so Mustapha mit  
den Persen / des Ottomanischen Stams alten vnd  
Ertzfeinden wölte anrichten. Derhalben der Kei  
ser auffss beste er köndte / sich solte vorsehen / das  
nicht der Mustapha durch macht vnd beistand der  
Persen / Sanggacher / vnd Janicher / die er allgerait  
vor lengst / durch seine mildigkeit an sich gebracht  
hette / in kurzer zeit / das Regiment zu sich brechte /  
vnd in den Vater tödte.

Mit solchen vnd andern lesterreden vnd lügen /  
haben sie des alten betrübe gemüt dahin leglich  
gebracht / das er beschlossen hat / durch den Tod sei  
nes Sons / in vnd seinen sachen zum besten / solchem  
unglück vorzukomen / vnd solchs auff diese weise.

Im 1552. Jar / nach Christi vnser's lieben  
HERREN geburt / hat er schier allen Landschafft  
ten kund gethan / vnd sie wissen lassen / das die Per  
sen aus iren grentzen gewichen weren / vnd mit einem  
vnzelichem hauffen / gewaptem Kriegs volck / in  
Syriam einfielen / viel Stedte mit stürmen einne  
men / die Leute gefangen wegfürten / auch alles hin  
vnd wider / dieweil inen niemand keinen widerstand  
thete / mit Fewr vnd Schwert wüste machten / dar  
umb / auff das er solchem freuel / vnd solcher mutwils  
liger künheit zuvor keme / würde er aus hochdrin  
gender not verursacht / das er den Rustan mit eis  
nem Heer volcks / daselbs hin schickte. Darumb als  
er einen hauffen Landknechte gesamlet hatte / gab  
er dem Rustan heimlichen befehlich / das er auffss  
stilleste.

stilleste vnd one allen auffrur / den Mustaphan  
angriff / vnd gebunden gen Constantinopel fürete /  
So aber solchs die gelegenheit nicht leiden wolte /  
das er als denn / wie er köndte oder vermöchte / in  
vmb's leben brechte.

Derhalben als Rustanus einen vnzlichen haus  
ffen Kriegsknechte bey sammen hatte / ist er nach  
Syrien zu / fort gereiset. Da er nu dahin komen  
vnd Mustapha seiner ankunfft inne war wor  
den / hat er bald one weitem verzug / sieben tausent /  
der allerbesten gerüsten Landsknecht so in Türckey  
sein mögen / auffgebracht / vnd nach Syrien zu /  
den weg angefalt. Als Rustanus solchs inne wur  
de / vnd vor augen sahe / das er den Gottlosen be  
fehlich des grausamen vnd aller schendlichsten Va  
ters / nach seinem willen vnd wolgefallen nicht kon  
te noch vermöchte ausrichten / ist er also bald ge  
flogen / hat wider umbgekeret / vnd mit dem Kriegs  
volck / das er mit sich fürete / one weiter warten nach  
Constantinopel gezogen / vnd hat so schnell vortge  
eilet / das er auch den staub in der lufft / welchen des  
Mustapha reisige Kriegsknechte mit dem reitten  
machten / nicht sehen / viel weniger seiner erwarten  
hat dürffen. Darumb als er das Volck wider zu  
rück gefüret vnd heim gebracht hatte / hat er einen  
jeden bered / wie er die Landschaft gerühig vnd in  
guttem friede gefunden habe. Letzlich hat er heim  
lich dem Keiser die ursache seines schnellen wider  
komens eröffnet / vnd gesagt / wie er aller Kriegs  
knechte hertz / mut vnd sinn vnter des Mustapha  
volck / in dem Mustapha sehr geneigt / günstig vnd  
willig gefunden hette / welchs mit vielen stücken be  
wiesen vnd angezeigt köndte werden / darumb er in  
einer so gefehrlichen sachen / seinen befehlich öffent  
lich

lich nicht hette können ausrichten / vnd solchs nu  
seiner Maiestet weisheit vnd verstand wölle ange-  
zeigt / jr ganz vnd gar diesen handel heimgestellt  
haben.

Diese angezeigte rede hat dem grausamen vnd  
Gottlosem Vater / der auch von der angeborenen  
grausamheit seiner voreltern nicht wolte abweis-  
chen / newen vnd zwar nicht geringen argwan ange-  
richtet / vnd auff das er sich von dem vorhaben sei-  
nes Sons erledigete / dachte er auff mancherley list  
vnd böse wege.

Im nehest folgenden jar / hat er wider befoh-  
len / gros volck zu samlen / vnd anzeigen lassen / das  
die Persen mit viel einem grössern hauffen vnd an-  
zal Volcks / denn zuvor geschehen wer / in Syriam  
einfielen / darumb er vmb rettung des gemeinen  
heils verursacht sey worden / das er in eigener Pers-  
son das Kriegs volck dahin füre / hab auch bey sich  
beschlossen / sich wider der Feinde vornemen zu  
setzen.

Derhalben da das volck gesamlet / vnd alles so  
zum Kriege von nöten ist / verordnet war / vnd sie  
Erlaubnis fort zu reisen bekommen hatten / folgete  
der Mörder der Vater nach wenig tagen / dem  
Kriegs volck selbs nach. Da er nu in Syrien ankam  
men war / leßt er dem Mustaphe also balde befeh-  
lich thun / das er sich gen Alepiam (denn daselbs  
wolte er sein lager auffschlagen) begeben solte. Es  
hatte gleichwol vnter des / der Solymanus den  
schendlichen vnd vnseglichen has / so er im hertzen  
wider seinen Son trug / in eusserlicher anzeigung  
(wiewol er sich vleissig darin bemühete vnd beflis)  
nicht so gar können verbergen / bis das solcher neid  
den Paschis vnd andern Menschen / so in höher dig-  
nitet

nitet waren neben jm bebant ward. Daher Achamat Pascha/ heimlich den Mustaphan/ durch einen andern Boten vermanen lies/ das er seiner eignen wolfart vnd lebens deste vleissiger in acht hette.

Es hat sich der Mustapha auch nicht ein wenig verwundert/ das sein Vater one genugsame vnd glaubwürdige ursach/ mit einem so grossen hauffen Kriegs volck/ an wer komen/ doch verliesse er sich auff seine vnschult/ vnd ob gleich sein gemüte sehr betrübt war/ vnd sich engstigte/ so dachte er doch des Vatern befehlich (ob solchs gleich mit grosser gefahr seines lebens geschehe) gehorsam zu leisten.

Denn er allezeit in seinem sinne gedachte/ das es jm ehrlicher vnd löblicher were/ nach zu reden/ das er durch gehorsam den er dem Vater leistete/ getödtet würde/ denn das jm durch sein leben vorgeworffen würde/ als were er seinem Vater vngehorsam gewesen.

Als nu sein gemüte in so grossen zweiuels stunde/ viel bey sich selbs betrachte vnd bewegte/ fragt er endlich bestendiglich one zittern vnd zagen den Doctorem/ welcher stets umb jm (wie zuuor gesagt ist worden) in seinem Hofe war/ ob ein Mensch das Reich der ganzen Welt/ oder aber das ewige Leben mehr solte begeren vnd wünschen. Hierauff jm der Doctor one alle schew zur antwort hat geben/ das der/ so dieser Welt Reich gantzlich betrachtet/ kein ander glück/ denn das/ so vnter einem vergebenem schein herfür leuchtet/ vermercken könnte. Dieweil nichts vnbestendigers vnd vnsicherer wer/ denn der Welt reich/ Nach dem solch reich eitel furcht/ bes  
trübnis/

erübnis / jammer / not / elend / argwan / morden /  
Gottlos wesen / vngerechtigkeit / Reuberey / ver-  
terbung / gefengnis / vnd andere vbel dergleichen  
mehr / welches ein Mensch der da warhafftig wil  
selig werden / jm mit nichten sol wünschen oder be-  
geren etc. mit sich zu bringen pflegte / vmb welches  
willen das ewige Leben verloren vnd nicht erhal-  
ten würde.

Aber die von Gott begnadet weren / das sie die  
vnbeständigkeit vnd Kürze dieses vnsers standes  
(den zwar der gemeine hauffe vor ein leben helt)  
betrachten vnd bedencfen / dieser Welt narrheit wi-  
derstreben / vnd endlich Erbarkeit lieb haben / All  
denselben were (sagt er) jr ort im Himel bestellet /  
vnd vom höchsten Gott selbs zugerichtet / da sie ends-  
lich ewige freude vnd ewiges Leben haben wur-  
den.

Mit dieses Doctoris antwort / ist das betrubte  
vnd irgemachte hertz / des jungen Gefellen / als ei-  
nem Warsager seines Endes / etlicher massen zu fries-  
den gestillet worden / hat sich durch ein lenger ges-  
prech nicht weiter wollen auffhalten lassen / son-  
dern schnell vnd balde / zu des Vaters Lager komen /  
vnd hat nicht weit von jm sein Zelt vnter dem Him-  
mel auffgeschlagen / Vnter des hat der Rustanus  
nicht gefeiret mit seiner betriegerey vnd ertichten  
lügen in dieser vorgenommen sache / den Son bey sei-  
nem Vater verdecktiger zu machen / vnd in grössern  
argwan zu bringen.

Denn als sie eine losung bekommen hatten / hat  
der Rustanus die Janischer / vnd alle andere Vors-  
nemeste vnd Obersten vber die Landknechte an-  
gereizet / das sie dem Mustaphe entgegen zögen.  
Also

Also bald thaten sie nach seinem befehlich / vnd rü-  
steten sich auff den weg. Dieweil sie sich zur reise  
schickten / ist der listige vnd verschlagene Böswicht /  
mit verstaitem angesichte / als sehe er mechtig sawr  
(wie er denn solchs meisterlich kondte) in des Kei-  
sers Zelt gegangen / vnd hat mit vnuerschampten  
worten sagen dürffen / das schier alle vornemeste  
Landknechte / von jnen selbs / vnd one allen befeh-  
lich / dem Mustaphe entgegen gezogen weren

Als der Keiser dis gehört hatte / ist er sehr er-  
schrocken / vnd gar blas worden vnterm angesichte /  
vnd da er aus dem Zelde gangen war / hat er leicht-  
lich müssen gleuben / das alles das war were / welchs  
im Rustanus zuvor gesagt hette. Es hat auch der  
Mustapha etlich wunderzeichen vnd anzeigung ge-  
habt / die im sein vnglück haben zuvor angezeiget.

Denn am dritten tage ehe er sich auff die reise  
rüstete / als er neher dem tage noch schlaummerte /  
hat im gedaucht als sehe er seinen Mahomet / mit  
schönen glantzenden Kleidern / der in bey der hand  
hielt vnd an einem sehr schönen lustigen ort / welcher  
mit hübschen vnd wolzugerüsten / Königlichen Pa-  
lasten gezieret / auch mit einem lustigen vnd feinem  
garten erbawet war / fürete / im alles mit dem finger  
zeigete vnd also zu im spreche. Hie (sagt er) ruhen  
alle die in Ewigkeit / so hie auff Erden ein Gott se-  
lig vnd Gerecht leben gefüret haben / Item / so die  
Gesetz geliebet / der gerechtigkeit nachgefolget / vnd  
die vntugent gehast vnd nicht gebilliget haben.

Da er aber sein angesichte auff die ander seiten  
wante / hat er zwey grosser Wasser gesehen / vnter  
welchen / in dem einem solch Wasser auffgewalt vnd  
D vbersich

übersich geprübelt hat / welches schwertzer dens  
Pech gewesen ist / In welchem wasser sehr viel / gar  
untergedaucht waren / Etliche aber schossen noch  
empor / welche mit grausamer erschrecklicher stim/  
umb barmherzigkeit baten vnd fleheten. Allhier  
(sagt er) werde die gemartert vnd gepeiniget / die in  
diesem vnbeständigem leben / boshafftiglich der vn-  
gerechtigkeit sind nachgefolget / Vnd sagt weiter  
das vnter denselben vornemlich weren / Fürsten/  
Könige / Keiser / vnd was dergleichen grosse Hans-  
sen mehr sein.

Als das vorbracht war / ist Mustapha von dem  
schlaff vnd traum aufferwacht worden / vnd hat  
den Doctor heissen zu sich fordern / dem er den ganz-  
en handel erzelet hat.

Aber der Doctor dachte hin vnd her (denn die  
Aberglaubische Mahometisten / halten viel von  
der narrerey in Treumen) war voller betrübnis vnd  
erawren / doch endlich gab er diese antwort von sich /  
Das dis gesicht erschrecklich vnd zufürchten were /  
dieweil es im eine grosse gefahr seines lebens an-  
zeigte / vnd verkündigte / Bat in derhalben / das  
er sein leben vnd seine dignitet vleissig in achtung  
hette.

Aber Mustapha / wie er denn großmütig vnd  
beherzt war / achte der gegebenen antwort nichts /  
vnd sprach one schrecken vnd zagen / Ey solte ich  
mich mit kindischer vnd vergebner furcht überwin-  
den vnd abschrecken lassen? Ja ich eile izund mit  
beständigem vnd vnerschrockenem gemüte fort / zu  
meinem Vater zu ziehen / vnd solchs thue ich deste  
kecker vnd beherzter / denn ich bin gewis / das ich  
allwege /

allwege seine Maiestet (wie es denn billich ist) also/  
vnd mit solcher andacht gechret habe/ das ich auch  
one seinen willen / wider seinen Sitz / kein auge/  
noch keinen fus niemals gereget noch gewendet/  
ich wil geschweigen / das ich solte noch dem Reiche  
gestanden haben / Es sey denn / das in des hohen  
Gottes wille zu einem bessern leben hette abgefodert/  
Darzu so wolte ich nicht das Regiment / one  
des ganzen Kriegs volcks / gemeine vnd offentliche  
erwelung / annemen / Auff das ich endlich one Mor-  
den / Blutuergiessen / one alle grausamkeit / Gott  
fürchtiglich vnd recht regierete / vnd meiner Brüder  
freundschaft vnuerletzt erhielte.

Denn ich bey mir gantzlich beschlossen / vnd viel  
mehr auserwelet hab / dieweil solchs meines Vatern  
wille erfordert / gehorsamlich zu sterben / denn das  
ich viel Jar regieren solte / vnd von allen / vornem-  
lich aber von meinen Leidern / vor widerspenstig  
vnd ungehorsam gehalten werden.

Da Mustapha diese rede volendet hatte / ist er  
zu seines Vaters Lager ankomen / hat er in seinem  
eignem Gezelt / das er hatte lassen (wie wir gesagt  
haben) auffschlagen / weisse Kleider angezogen / vnd  
etliche Brieffe / welche die Türcken / wenn sie irgent  
wohin gehen wollen / allezeit bey sich (wie sie denn  
in irem Aberglauben gar schwermen vnd rasen) pfles-  
gen zu tragen etc. in den busen gesteckt / vnd ist end-  
lich von etlichen getrewen dienern seines Volcks  
beleitet worden / vnd nach des Gottlosen Vaters  
Zelt gegangen / damit er mit aller Ehrerbietung  
seines Vaters hende (nach irer gewonheit) küßete.

D ij

Aber

Aber als er fur den eingang vnd antrit kam/  
fiel jm plözlich ein/das er noch einen Tolch vmb sich  
gegürtet hette / ist nicht ehr hinein gegangen / bis  
er den Tolch hatte abgelegt / auff das man nicht  
sagen möchte/er were gewaffnet/mit einer were vor  
seines Vaters angesichte getretten / Sondern sich  
von allem argwan frey vnd ledig machte.

Da er aber ins Zelt hinein gangen war / ist er  
frölich genugsam von seines Vaters Kemmerlingen  
vnd mit der Ehrerbietung die jm gebürte / empfangen  
worden. Wie er aber nicht mehr denn einen  
einigen stuel/darauff er sesse / zubereitet sahe/ ward  
er betrübt / stund eine ebenweil in gedanken/sieng  
gleichwol lezlich an zu fragen/ wo der Keiser were/  
Sie gaben jm zur antwort/ er würde den Keiser bald  
zu sehen kriegen. Vnter des ward er inne/ das von  
der ander seiten / sieben stumme (die der Türckische  
Keiser stets bey sich hat / welche vmb seine heimliche  
sachen wissen / vnd zu allen Todschlegen dieselbe  
heimlich zuuerbringen / willig vnd bereit sein)  
zu jm komen / erschrickt vber die massen sehr / vnd  
hebt in dem schrecken an zu sagen / Sihe da eilet  
mein Todt zu mir zu/ Vnd da er von der erden auff  
stund/ vnterstund er sich dauon zufliehen/ Aber solch  
sein vornemen war vmbsonst vnd vergebens. Denn  
er von den Kemmerlingen vnd Wechtern ergriffen/  
vnd mit gewalt zu dem verordnetem orte/ da jm  
sein ende bescheret war / gezogen ist worden/ Vnd  
also bald haben jm die Stummen/ein Sehne vom  
bogen vnuersehens vmb seinen hals gebunden.

Aber als sich der arme / vnd elende Son/ ein wenig

nig dawider streubete / vnd flehete / das im möchte  
vergont werden / mit seinem Vater ein wort oder  
zwey zu reden / fieng der vnarmhertzige vnd Gotts  
lose Mörder seines eignen Sons (der auff der and  
ern seiten im Feld stund / vnd das vnerhorre specta  
kel ansah) leglich an / mit einer grausamen vnd ers  
schrecklichen stim zu schelten / vnd sprach / Wolt jr  
denn nicht schier meinen befehlich ausrichten ? vnd  
den Verreter / der mich nu in die zehen jar / nicht eine  
nacht mit frieden hat schlaffen lassen / umbbrin  
gen ?

Als sie diese vnmenschliche / erschreckliche vnd  
Gottlose wort gehört hatten / sind die Kemmers  
ling mit den Stummen zugefahren / haben den armen  
Mustapham auff die erde darnider geworffen / vnd  
an jeder seiten einen Knoten an die sehne gemacht /  
vnd also den aller vnglückseligsten Son / durch ges  
heis vnd befehl. des Gottlosen Vaters / erwürget.

Als diese schendliche vnd Gottlose that ausge  
richtet vnd volbracht war / ward der Pascha / der  
Amasianischen Landschaft Verweser gegriffen /  
vnd vor des Keisers angesicht geköpffet. Da dis  
auch geschehen war / rieß der Keiser zu sich den hös  
krichten seinen Son Giangir / welcher von allen des  
nen geschichten / so sich begeben hatten / nichts wus  
ste hies in (gleich als hette er etwas löblichs ausge  
richtet) mit spöttischen worten / Mustaphe seinem  
Bruder entgegen gehen. Giangir eilete so sehr als  
er vermochte / mit frölichem vnd leichtsinnigem ges  
müte / seinen Bruder zu empfangen.

Als er aber an den ort komen war / vnd seinen  
D iij vnglück

unglückseligen Bruder / am strick erwürgt / an der erden sahe ligen / kan man mit Worten nicht genugsam sagen / wie er so grausam betrübt vnd erschrocken sey gewesen.

Doch da er kaum dahin komen war / hat im der Gottlose Vater etliche Boten nachgesand / die im von seiner wegen / alle Schetze / Pferde / Knechte / Zelt / vnd allen schmuck / den Mustapha gehabt hatte / vberantworten / vber das auch die Amasianische Landschaft antrugen. Aber Giangir / der sehr betrübt war / vmb seines liebsten Bruders tod / welcher so schendlich ermordet war / sieng in solchem grossen trawren vnd weinen an zu reden / vngesehrlich auff diese meinung / Ach du schelmischer vnd Gottloser Hunt vnd Verrether / ich sage nicht Vater / brauch nu zu deiner wollust vnd freude / der Schetze / Pferde / vnd des schmucks / so Mustapha gehabt / vnd der Landschaft / so er verwaltet hat / hat es also deinem vnmenschlichen / vnfreundlichen / Gottlosen vnd grausamen hertzen geliebt vnd wol gefallen / das du so einen tapffern Son / einen so guten Kriegsman / vnd einen solchen Son / zu dem ein jeder gute hoffnung truge / des gleichen das Ottomanische haus niemals keinen gehabt noch hinfürder haben wird / so Gottlos / vnd wider alles betrachteten der freundlichkeit / so in einem Menschen sein sol / ich wil nicht sagen des geblüts / hast tödten vnd vmbbringen müssen ?

Derhalben ich mich hüten vnd wol vorsehen wil / das du nicht hinfürder / vber mir armen Höckrichtem Menschen / auch auff dieselbe weise / wie du  
ist

igt thust / so vnuerschempt rhümen mügest. Als er  
dis geredt hat / ergreiff er den Tolch / damit er vmb  
gürt war / stach in durch sein hertz hindurch / vnd ist  
also tod blieben. Da solchs vor den Keiser ist  
bracht worden / kan man nicht genugsam sagen /  
wie trefflich trawrich / betrübt vnd bekümmert er  
sey worden.

Aber gleichwol hat solch betrübnis vnd beküm-  
mernis / sein geizig gemüt noch nicht gar vberwel-  
diget. Denn er also balde / allen Schmuck vnd Ges-  
schmeide / so dem Mustaphe zustunde / in sein gezelt  
zu tragen / befohlen hat.

Die Landknecht aber / die da meineten / das  
solch geschmeide vnter inen preis sein / vnd zur beute  
ausgeteilet würde werden / eilten fort / mit geneig-  
tem willen des Keisers befehl auszurichten. Vnter  
des / da die Landknechte in des Mustaphe Lager /  
(welche noch nicht das geringste / wie es mit irem  
Herrn ergangen war / erfahren hatten) sahen / das so  
ein grosser hauffe Landknechte / one alle Kriegs-  
ordnung in jr Lager einfielen / tratten sie mit iren  
weren gewaffent herfür / auff das sie sich wider den  
auffrürischen freuel vnd Mutwillen setzten / Vnd  
trieben warlich / manlich vnd behertzt (welchs denn  
one vieler Kriegsknechte vmbkomen nicht abgieng)  
jr einlauffen zu rück.

Da nu solche Tragedia vor des Keisers Lands-  
knechte kam / vnd sie darneben vermerckten / das der  
Lerm jmer grösser ward / gedachtē sie auch den jrē zu  
hülff zu komen / liessen Lerm vnter inen schlagen / vnd  
haben

haben sich wärlich gewulich vnternander geschla-  
gen / das in kurzer vnd geringer zeit / bey zwey taus-  
sent Menschen mehr denn weniger erschlagen / vnd  
verwund sein worden.

Vnd wer solche scheusliche Tragedia noch wei-  
ter vort gangen / wo nicht Achmat Pascha / der  
warlich ein dapfferer Man / vnd von wegen seiner  
Tugent nicht in geringem ansehen war / bey den  
Landknechten / die Janischaros zu ruck getrieben / ir  
wüten vnd rasen gestillet / sich nach des Mustaphe  
Kriegs volck gewendet / mit linden Worten / vnd  
vermanungen iren Mut gestillet hette / da er also zu  
inen sagte.

Ir lieben Brüder / vnd meine gute freunde /  
wöllet ir von ewrer fürsichtigkeit vnd erfarnheit /  
darin ir so eine lange zeit her erkant vnd probirt seid  
worden / abweichen / vnd des grossen Soltani vnser  
Herrn befehlich widerstreben? Ich kan mich nicht  
genugsam (als mir Gott helffe) verwundern / was  
euch doch die ir bis auff diese zeit / vor die berümeste /  
sterckeste / vnd mutigste Landknecht von mir er-  
kant seid / bewegt hab / das ir in diesem scharmüzel /  
so ir vnternander selbs angefangen / die Waffen vnd  
Kriegsrüstung / welche ir mit so grossen glück vnd  
Sieg / wider die Feinde des Ottomanischen Stams  
eine lange zeit gebraucht habt / nu wider euch selbs  
füret / vnd vnsern Feinden ein solch scheuslich vnd  
gewulich spectakel anrichtet / das die / so zuvor  
trawrig vnd betrübt sein gewesen vber den Waffen /  
damit sie vberwunden waren / irzt frölich sein / jauch-  
zen vnd Jubiliren / das ir euch selbs vnternander er-  
mordet vnd umbbringet.

Derhalben

Derhalben meine aller liebste Sone/ beyleiffiget  
ench / ewrem bherzten vnd vnerschrocknem Mute  
nach/ das jr nicht die fursichtigkeit/ Erfarenheit vñ  
Manligkeit / darinnen jr vor allen andern gelobt  
vnd hoch gerümet seid gewesen / durch solchen ew-  
ren Obermut verlieret.

Darumb sparet diese ewre Waffen/ welche jr  
bisher wider ench selbs/ mehr den gut ist/ gebraucht  
habt / wider ewre Feinde / da jr besser bequemer/  
vnd auch eine löblicher gelegenheit habt zu streit-  
ten.

Mit diesen vnd dergleichen worten / hat Ach-  
mat Pascha/ der Landknecht Mut vnd sinn so sehr  
erweicht vnd bewegt / das sie alles aus des Musta-  
phe gezelt haben one weiter beschwernis tragen  
lassen.

Als aber des Mustaphe tod/ vor die Janischaros  
vnd das ander Kriegs volck komē war/ ist ein newer  
Aufsturz vnd Empörung vnter jnen worden. Dar-  
umb von newest widerumb lerm vnter jnen ist ge-  
schlagen worden / vnd als sie ein gros gereusch vnd  
gethön gemacht hatten / darneben auch sehr weinea-  
ten vnd wehklagten / sind sie lezlich ( wie sie denn  
rasend vnd gar entbrant waren von zorn) mit bloß-  
sen weren/ vnd grosser ungestümigkeit auff des Kei-  
sers Keiserliche wonung zugeplatzet.

Diese neue empörung / hat den Keiser zittern  
vnd zaghaftig gemacht / das er schier keinen Rat  
bey sich mehr hat finden können/ vnd mit grosser ge-  
fahr seines Leibs vnd Leben / die flucht hat geben  
wöllen. Es haben in aber die seinē von diesem vorne-  
men abgehalten/ Vnd als er ursach zu reden aus der  
vorstehenden not genommen het / hat er die sach

¶

(Das

(das er auch in guter ruhe also nicht hette können bedencfen) also angefangen / ist aus dem Zelt heraus gangen / vnd die Landsknechte (aber mit verblasstem angesichte) mit diesen worten angeret / Was ist das vor ein geschrey / gethön / vnd getreusch / Was ist denn das vor ein Obermut vnd hoffart / damit jr mich so mutwilliglich betrübet ? Seid jr denn nicht mehr eingedenck das ich ewer Keiser sey / der vber euch macht vnd gewalt hat / euch zu regieren vnd vber euch zu herrschen.

Als der Keiser also redete / gaben jm die Landsknechte one zittern vnd zagen / zur antwort / Sie werens in keinem widerreden / Sondern bekenten / das er eben derselbe were / den sie vor vielen Jaren erwelet hetten. Das sie aber durch ire Manligkeit vnd Tugend im Kriege / jm so grosses Regiment erlanget / vnd dasselbige erhalten hetten / wer von jnen vmb der meinung willen geschehen / das er Gottfürchtiglich vnd recht regieren solte / vnd nicht darumb / das er so vnbedachtsam / an einen jedem fromen vnd gerechten Menschen / seine blutige hende legen / vnd dieselbe mit vnschuldigem blut beflecken vnd verunreinigen solte.

Das sie aber mit gewapneter Hand herfür kommen weren / hetten sie gute ursach / als nemlich / das sie des vnschuldigen Mustaphe todt rechnen wolten. Darzu so hetten sie keinen Keiser / der sich vber jnen erzürnen künde. Derhalben auff das sie sich öffentlich von der verretterey / mit welcher sie bey des Mustaphe Meidern vnd Verfolgern felschlich waren angegeben worden / los vnd ledig machen künden / begerten sie / das derselbe Keger öffentlich herfür trette.

Dem

Dem sie ehe die Waffen von sich nicht ablegen  
wolten/bis das der Ankläger persönlich für Gericht  
erschienen were / vnd die anklage nach gebreuchli-  
cher weise sub poena talionis/vnter der straff der wis-  
deruergeltung/hette vorgebracht/vnter des dieweil  
solchs gehandelt ward / machte die grausame vnd  
erschreckliche that / das sie alle miteinander anfieng-  
gen/bitterlich zu weinen/ das sie auch zu letzt so viel  
spüreten/ das den Keiser des vnerhörten schends-  
lichen / vnd vnmenschlichen mords seines eignen  
Sons rewete.

Da fieng der Keiser an / verhies vnd sagte den  
Landsknechten alles mit gelinden sanfften Worten  
zu/ darumb sie gebeten hatten / vnd fieng an so viel  
im möglich war / iren entrüsten vnd zornigen Mut  
zu stillen.

Aber die Landsknechte sind vnter des / damit  
der Keiser nicht mit listen dauon flohe / vnd sie mit  
der zusage/vnd allem dem / das sie von im gebeten  
hatten / vmb die sichten fürete etc. allesamt mit  
sonderlichem vleis / in irer Ordnung vnd wach ge-  
blieben.

Dieweil die Knechte solchs vorhatten/hat der  
Keiser dem Rustan alle seine digniteten/vnd den  
Keiserlichen Rincf den er bewarte/genommen/vnd  
denselben dem Achmat Pasche zugestellet. Als aber  
Rustan / der sich sehr fürchte / zitterte vnd zagte/  
inne ward / das er in dem seinen nicht sicher gnugs-  
sam were/ ist er stilschweigends/zu des Achmat Pas-  
sche Zelt gezogen / hat in vmb rat gefraget / was  
im in dieser zweifelhaftigen vnd gefehrlichen sa-  
chen/ zu thun stunde / Welcher im zur antwort hat  
gegeben / er solte hierin des Keisers Rats pflegen/

¶ ij vnd

vnd was in der Keiser heissen würde / das solte er  
vleißig ausrichten. Dieser Rat hat dem Rustano  
vber die massen wol gefallen / hat nicht lang ges  
seumet noch verzogen / vnd den Keiser durch Vn  
derhändler / seine gute vnd getrewe freunde / vmb rat  
von allen dingen lassen fragen.

Aber da jm zur antwort gegeben war worden /  
das er sich one allen verzug auffss schnellst er könte /  
vov des Keisers angesichte / vnd aus dem lager droh  
lete / hat er widerumb vorgewant / das solchs one  
sein Gelt vnd gezelt / füglich nicht geschehen könte.  
Darauff jm der Keiser weiter geantwortet / das  
er jm hinfürder weder zeit noch raum / auch nicht  
lenger auffschub / seinen nutz oder fromen zu suchen /  
vergönnen wölle.

Also balde ist Rustanus / dem seine eigne grobe la  
ster vnd vntugent wol bekant war / mit acht seiner  
gedrewesten Freunde / one allen verzug / nach Cons  
stantinopel gereiset / sehr schnell vnd behende (wie  
denn furcht allezeit flügel machet / vnd einen pflegt  
fort zu treiben) gen Constantinopel ankomen / er  
wartet da mit der Rosa / vnd andern jren mitgenos  
sen / desselben bündnisses / den ausgang seines  
glücks / auch mit grosser gefahr seines lebens.

Man sagt auch / das der Solymannus / der sich  
in so einer grausamen vnd erschrecklichē That schül  
dig wuste / durch den wahn / als wolte er busse thun /  
gen Meham zureisen / bewegt sey worden / vnd als  
jm der weg ist fürgefallen / sagt man / das er durch  
der Persen macht / gen Jerusalem zu zihen / gezwun  
gen sey / vnd daselbst seinem verstorbnem Sone ein  
opffer (das sie CORBAM nennen) geopffert hab.

Das.

Das hab ich nu (damit ich einmal zum ende Komme) vom Mustapha sagen/ oder mehr erinnern wollen/ als nemlich / das er jederman bey den Türcken/ vmb der zucht/ so er im Kriege gehalten hat / vnd seines geneigten willens halben / der Christen Blut zu vergiessen / also angenehm gewesen sey / das sie es auch dafür halten / es sey keiner in dem Ottomanischen Stamme gewesen/ der inen grösser hoffnung/ jr reich zu mehren gemacht hett / als dieser Mustapha/ Das auch von den sachen / daran sie gar verszweiuelt haben / bey inen daher ein Sprichwort sey worden / GIETTI SOLTAN MUSTAPHA, das mit sie denn anzeigen wollen/ das es nu aus vnd verloren sey mit denen sachen/ die sie zuuor wol bedacht hatten.

Derhalben wir nu schuldig sein/ das wir vber eines so grossen Feindes Tod / der vn menschlich vnd grausamlich mit vns hette würden vmbgehen / vns vnternander frewen/ vnd es dafür halten/ das solchs nicht one Gottes schickung vnd versehenung/ der vns vnd vnsern sachen / damit hat raten wollen / also geschehen sey.

Darnach sollen wir grossen vleis ankeren/ das wir vns vor innerlichen Kriegen vnd vneinigkeiten/ so viel vns möglich ist/ vleissig hüten/ Vnd darneben wissen/ das man wider den gemeinē Feind der nicht allein vnseres Vaterlandes vnd Lebens / Sondern auch vnserer Seelen feind ist / gemeine hülff vnd stercke brauchen müsse/ Wenn wir das nu thun werden so wird es vns nicht schwer sein/ noch sawr ankommen/ den Erzfeind/ des Christlichen namens von

vns zu treiben. Werden wir aber solchs nicht thun/  
so stehet die gefahr daraus / das er / von wegen der  
zwittracht so wir selbs vnter Vns anrichten / in dem  
Teil Europe / so noch vbrig ist / einfallen / vnd sich  
denselben mit seiner Tyranny zu verwüsten  
vntersehen wird / Welchs der Allmechtis  
ge vnd Ewige Gott gnediglich ab  
wende / vnd vns alle zur eintracht  
bewege / vmb Christi seis  
nes Sons willen /  
AMEN.






AK Th 6117

X 22 A 22 05

MC

D






B.I.G.

Farbkarte #13

Blue Cyan Green Yellow Red Magenta White 3/Color Black



# Türkisch

der szund regiert / seinen el  
/ der ein freidiger Kriegsmann  
schmehlichem Tode hat lassen  
lich verklagt ist / durch ein vn  
durch den WaschaKustan.

II n  
6117



UNIVERSITÄTS-BIBLIOTHEK  
HALLE  
(SAALE)

bericht / durch ei  
urgunder Nicolaum von  
is gestellet / dem Christli  
u gut verdeutschet  
temberg.

BIBLIOTHECA  
PONICKAVIANA

1556.

50